


Vn will ich dise egemachte schneckenlini/ noch ein mal verendern/ durch das punctirt rich-
 scheydt. a. b. darauff die schneckenlini gemacht wirdet/ die mus man anderst dann vor punct-
 tirt/ das geschicht durch zweyerley linien/ einer krumen vnd geraden/ die da zusamen gesest
 werden / da eine durch die andern gemessen wirdet/ vnd eine der andern vngleich/ doch ver-
 gleichlich / wie woll durch vngleich teyl die mach ich also / Ich reiß einn auffrechte lini / als lang das
 richtscheydt ist damit ich die schneckenlini mach/ die sey oben. b. vnden. a. Darnach reiß ich ein zwerch
 lini. c. d. also das die auffrecht mit dem puncttē. a. gerad zu gleichen wincklen darauff stehe/ Darnach
 reiß ich ein gerade ortlini. d. b. vñ nym ein zirkel vnd ses in mit dem ein fuß in den punctten. d. vnd mit
 dem andern fuß in den punctten. a. vnd reiß von dann rund vber sich byß in den ort strich. d. b. vnd wo
 sie die an rürt da ses ich punctten. e/ Darnach theyl ich dise krumen lini. a. e. mit. 23. puncttē in. 24. glei-
 che felt/ vnd reis auß dem punctten. d. gerad lini durch all punctten in. a. e. byß in die gestracket lini. a. b.
 Vnd wo dise linien die lini. a. b. durch schneiden/ die selben punctt beszeichnen ich mit ziffern/ vñnd heb
 oben vnder dem. b. an zu zellen/ 1/ 2/ 3/ 4/ 5/ 6/ 7/ 8/ 9/ 10/ 11/ 12/ 13/ 14/ 15/ 16/ 17/ 18/ 19/ 20/ 21/ 22/ 23
 sichen den punctten vber sich erwentern/ vñnd vnden herab enger werden/ Dvß punctten stich ich auff
 eyn richtscheidt/ das ich in der arbeyt im vmlauffen brauchen will/ Solche zu rüstung hab ich hie vn-
 den auffgerissen vnd merck sonderlich das auß disem stück vill zu machen/ das hie nit angezeigt ist/
 Dise schnecken lini laufft nit parweis vbereinander.

Nach diser lini. b. a. mus das richtscheydt zum vmlauff des schnecken puncttirt werden.



Wiltu aber aussen zwischen der schnecken lini die felt noch mehr erwentern/ vnd hyncin en-
 ger machen/ so leyn die auffrecht lini. a. b. oben mit dem. b. gegen dem punctten. c. Vñnd
 reis darnach die ortlini. d. b. wider zusamen / so wirdt der zirkelris. a. e kürzer / Darnach
 theyl allding von neuen wider ein wie vor so finstu in der arbeyt eyn gros endung / solchs
 ist auch oben im auffreissen zum theil anzeigt/ So nun die verendert lini. a. b. mit iren punctten auff
 das richtscheidt gestochē wirdet/ alsdā reis ein runden zirkelris darin dein richtscheid vñnd mit dem
 punctten. a. den Centrum/ vñnd oben mit dem punctten. b. den zirkelris an rürt / vñnd ses oben anff den
 punctten. b. 12. vñnd nym den gebrauch wie vor in der negsten schneckenlini angezeigt/ Doch wie du
 vor auß dem Centro heraus geloffen bist/ also laufft ist von dem euffern zirkelris hinein/ Darum ses
 die ziffer der punctten im zirkelris auff die ander seiten/ vñ heb an zu zellen. 1/ 2/ 3/ 4/ 5/ 6/ 7/ 8/ 9/ 10/ 11/ 12/ 13/ 14/ 15/ 16/ 17/ 18/ 19/ 20/ 21/ 22/ 23
 vñnd vnder sichidit gegen der vorigen lini/ wie das hie vnden zwoy / der fordern ordnung gemess auffgerissen
 ist/ da bey du sichst wie eins hübscher dann das ander ist.